


قصة قصيرة

حيثما تكون المحبة يكون الله

ليف تولستوي ✍

كل ما فعلتموه بأحد إخوتي هؤلاء الأصغر، فبي قد فعلتم ... آية بنقراها كثير لكن هل بنعملها؟



القصة الرمزية دي (من كتاب العجوزان) تدور أحداثها في روسيا سنة 1885م

مارتن اسكافي شغلته تصليح الأحذية و ورشته اللي في وسط المدينة هي بيته ... و كان فيها شباك طويل قزاز بطول الشقة كلها، يقدر من خلالها يشوف الناس اللي في الشارع و هم يشوفوه ... مارتن شاطر أمين في شغله عشان كده ماكانش فقير أو محتاج

مارتن ماكانش له في ربنا و ماكانش بيروح الكنيسة كثير ولا بيقرأ في الكتاب المقدس ... و بعد وقت حس إنه بدأ يكبر في السن، و كان عايش لوحده بعد ما ماتت زوجته و مات بعدها ابنه الصغير و هو عنده 3 سنين ... من بعدها مارتن زعل من ربنا و كان متذمر على ربنا اللي أخذ ابنه الصغير و سابه هو حي و هو شيخ

و في يوم قابل واحد صاحبه من الكنيسة و حكى معاه ... و صاحبه كلمه عن حكمة ربنا و إن كل الأشياء تعمل معاً للخير

... مارتن ماقتنعش و قال له: طيب هاعيش لمين بعد ما ابني مات؟! صاحبه قال له: عيش عشان ربنا ... اقرا كتابه المقدس و انت هاتلاقي إجابات لأسئلتك و سعادة و تغيير في حياتك



مارتن كان يعرف يقرا و قرّر يجزّب نصيحة صاحبه ... جاب كتاب مقدس و بدأ يقرا على خفيف وقت الراحة بس ... بعد كده ارتاح للكتاب المقدس و بقى بيقرأ كثير ... و بدأ يفهم الطريق إلى الله و بدأ اليأس و الحزن اللي جوة قلبه يبقى بدلاً منه شكر و تمجيد و تسليم لربنا ... و بقت حياته بين شغله و بين الكتاب المقدس، بظل الخمر و بظل يقعد على القهوة مع أصحابه



و في يوم، شدّ انتباهه كلام المسيح لسمعان الفرّيسي عن المرأة الخاطئة اللي سكبت الطيب على قدميه:

ثم التفت إلى المرأة وقال لسمعان: «أنتظر هذه المرأة؟ إني دخلت بيتك، وماء لأجل رجلي لم تعط، وأما هي فقد غسلت رجلي بالدموع ومسحتها بشعر رأسها، قبلت لم تقبلني، وأما هي فممنذ دخلت لم تكف عن تقبيل رجلي، بزيت لم تدهن رأسي، وأما هي فقد دهنت بالطيب رجلي.

— لوقا 7 : 44 ل 46

و بدأ يحاسب نفسه إنه ممكن يكون زي سمعان الفرّيسي، يا ترى هل لو السيّد المسيح كان ضيفي كنت هاهتم بنفسي زي سمعان ولا هاستضيفه كويس؟
... غرق مارتن فس الفكرة دي و نام نوم عميق



سمع صوت منخفض لحد بينده عليه باسمه فصحي بس مالقاش حد ... بس الصوت قال بوضوح:

مارتن ... راقب الطريق بكرة كويس عشان أنا هاجيلك

طبعاً مارتن اتلخبط و فكّر: هل يسوع هاييجي يزورني! ... و بعد ما صحي ثاني يوم، قرّر يراقب الطريق كويس



و في نص اليوم كده، لقي جندي عجوز غلبان هو يعرفه اسمه ستيبانك جنب بيته ... بيسند راسه عالحيط بتاع بيته من التعب و بيحاول يشيل الثلج عن لبسه ... في الأول مارتن كمل مراقبة للطريق ... لكن فضل الجندي ده في مكانه و وشّه عليه علامات التعب و الإجهاد الشديد
مارتن قرّر يعزمه على كباية شاي



خبّط لستيبانك على الشباك و دعاه للدخول ... طبعاً ستيبانك فرح جداً و دعا له إن ربنا يبارك له ... و مارتن كان كريم جداً معاه و ضايفه كأنه أخ أو صديق عزيز ... و كباية شاي جابت الثانية ... و لاحظ ستيبانك إن مارتن مركز على الشباك، سأله: انت مستني حد؟ فحكى له مارتن الحكاية
بعد كده قال له: أنا دلوقتي شاغلني فكرة غير فكرة سمعان و المرأة الخاطئة ... فكرة إن ربنا كان متواضع جداً و مش بيحتقر حد بل على العكس اختار تلاميذه ناس غلابة ... و غسل رجليهم كمان
ستيبانك لما سمع كده تأثر جداً و شكر مارتن إنه أعطاه غذاء لجسده و لروحه كمان



بعد ما مشي ستيبانك، فضل مارتن يراقب الطريق ... بعد شوية وقفت قدام الشباك بتاعه ست فقيرة غلبانة لبسها مقطع و معاهها طفل على يديها عقال يبكي ... مارتن خرج و نده على الست و دعاها للدخول ... طبعاً الست استغربت لكن اطمئنت لأنه كان راجل عجوز، فدخّلت
و مارتن طبخ لهم أكلة سريعة و فضل يلعب الطفل لحد ما بظل بكاء و ضحك



بعد كده الست حكّت له حكايتها ... كانت زوجة لأحد الجنود اللي راح مهمة و مارجعش ... اشتغلت طبّاحة في بيت لحد ما ولدت بعد كده مشوها من الشغل ... و بقى لها 3 شهور بتكافح إنها تعيش و تلاقي شغل، و باعت كل اللي عندها ... و كانت رايحة تقابل سيّدة غنية قالت لها إنها ممكن تشغلها

مارتن دؤر عنده على عباية ثقيلة و أعطها لست ... و أعطها كمان فلوس للمواصلات و حكى لها على حكايته ... الست عيّطت من التأثر و باركته و باركت ربنا و مشيت



بعد ما الست مشيت فِضِل مارتين مركز على الشباك مستني السيد المسيح ... لَفَت نظره ست كبيرة شايلة سَبَت فيه شوية تفاح عشان تبيعه ... و فجأة، جري عليها ولد صغير و خطف منها تفاحة و جري ... لكن الست قدرت تمسكه فبدأت تشتمه و تضربه مارتين جري بسرعة على الشارع ناديتهم و قال لست تسامح الولد الصغير ... لكن هي قالت له: إن الولد لازم يدفع التَّمن و صممت توذيه على قسم الشرطة الولد طبعاً فضل يبكي من الخوف ... و مارتين قال لست إنه هايدفع هو تَمَن التفاح ... الست غضبت و قالت إن مارتين بيدلعه, و إن الولد لازم يتجدد عشان يتعلّم مايعملش كده ثاني في حياته ... كانت إجابة مارتين:

دي طريقتنا إحنا في الشدّة مش طريقة ربنا ... لو الولد لازم يتجدد لأنه سرق تفاحة, يبقى إحنا بقى خطايانا عقابها المفروض يبقى إيه؟



طبعاً الست سكتت تماماً ... فبدأ مارتين يحكي لها و للولد مثل العبد اللي سيده سامحه على الدين الكبير اللي عليه بينما هو ماسامحش أخوه العبد اللي كان مديون له بالقليل جداً ... و إزاي السيد في المثل أمر بضرب العبد الظالم اللي ماسامحش أخوه الست قالت له: معاك حق, بس إحنا ماينفعلش نعدّي الموضوع كده و لازم نوجّه الولد مارتين قال لها: صح لكن بطريقة صحيحة الست حكّت له حكايتها و إنها جدة و عندها أحفاد كثير صغيرين بتحبهم و مضطرة تشتغل عشانهم ... و لما افكرت أحفادها اللي في عُمر الولد, قالت لمارتين: دي أكيد شقاوة و هاتعدّي ... و طبطبت على الولد ... و الولد ساعدها و شال عنها سَبَت التفاح, و مشيوا و هم بيتكلموا مع بعض



مارتين رجع ثاني يبص من الشباك كل شوية ... بعد شوية الليل ليّل و الدنيا ضلّمت .. فقال ده معاد قراية الكتاب المقدس ... فتح كتابه المقدس عشان يكمل إنجيل لوقا لكن لقي الكتاب بيفتح في مكان مختلف و فجأة سمع صوت ناس بتتحرك من حواليه ... لفّ عشان يبصّ, لقي ستيبانك و الست اللي معاها الطفل الصغير و الست العجوزة و الولد, كلهم بيتسموا له ... و فجأة اختفوا و لما بصّ مارتين في الكتاب المقدس, لقي الآية دي:

لأني جعت فأطعمتموني، عطشت فسقيتموني، كنت غريباً فأوَيْتُموني، عرياناً فكسوتُموني، مريضاً فزرتموني، محبوساً فأتيتم إليّ،
بما أنكم فعلتموه بأحد إخوتي هؤلاء الأطاغر، فبي فعلتم

— متى 25 : 35 و 36 و 40

ففهم مارتين إن رؤيا امبارح كانت حقيقية ... و إن المخلص زاره ... و إنه استقبله كويس